



Republika e Kosovës
Republika Kosovo-Republic of Kosovo
Kuvendi - Skupština - Assembly

LEGJISLATURA IV

Sesioni pranveror

Komisioni për Bujqësi, Pylltari, zhvillim Rural, Mjedis dhe Planifikim Hapësinor

Mbledhja nr. 45

Prishtinë, më 16.1.2012, ora 10,00

Ndërtesa e Kuvendit, salla C-203

PROCESVERBAL
I MBLEDHJES SË KOMISIONIT

Në mbledhje morën pjesë: Nait Hasani, Liburn Aliu, Rasim Demiri, Nijazi Idrizi, Salih Morina, Sevdije Lama, Afërdita Berisha-Shaqiri, Etem Arifi, Daut Haradinaj.

Të ftuar dhe pjesëmarrës tjerë: zyrtar nga MMPH dhe ministri, bashkëpunëtor, përfaqësues dhe vëzhgues të interesuar (KDI, OSBE), Lorika Hisari, Gjejlane Hoxha, Hydajet Hyseni, Xheladin Hoxha, media.

Stafi mbështetës i komisionit: Bajram Badivuku, Ylber Sherifi.

Mbledhjen e kryesoi **Nait Hasani**, kryetar i komisionit.

Për këtë mbledhje u propozua ky rend dite:

- 1. Miratimi i rendit të ditës ,**
- 2. Miratimi i Procesverbalit të mbledhjes së komisionit, të mbajtur më 13.1.2012,**
- 3. Shqyrtimi i Projektligjit për Prizrenin.**

Kryesuesi konstatoi se janë plotësuar kushtet për fillimin e punës dhe hapi mbledhjen me pikën e parë të rendit të ditës.

1. Miratimi i rendit të ditës

Rendi i ditës u miratua pa ndryshime.

2. Miratimi i Procesverbalit të mbledhjes së mbajtur më 13.1.2012

Kryetari konstatoi se Komisioni miratoi Procesverbalin e mbledhjes së mbajtur më 13.1.2012.

3. Shqyrtimi i projektligjit për Prizrenin

Kryetari Nait Hasani përshëndeti të pranishmit duke ftuar bashkërisht në vazhdimin e amendamentimit të projektligjit. **Liburn Aliu** kërkoi angazhimin e ekspertit të jashtëm lidhur me këtë projektligj përndryshe ai tërhiqet nga puna e komisionit sa i përket shqyrtimit të këtij projektligji, ndërsa **Daut Haradinaj** vlerësoi se nënkryetari i komisionit me këtë kërkesë e shtynë atë të kërkojë sqarimin e komisionit lidhur me vazhdimin e punës së komisionit lidhur me këtë projektligj.

Komisioni u tërhoq në pauzën 10 minutëshe për të vendosur si vijon :

P Ë R F U N D I M

Vazhdon puna e komisionit lidhur me shqyrtimin e projektligjit për Prizrenin pa prezencën e deputetit – nënkryetarit të komisionit **Liburn Aliu**.

Në vijim komisioni nxori amendamentet si vijon :

Amendamenti 6

Neni 5, riformulohet :

Qendra e mbrojtur historike e Prizrenit

1. Qendra e mbrojtur historike e Prizrenit me të gjitha elementet përbërëse të tij shtrihet në territorin me kufinjë të përcaktuar në hartë ku përfshihet territori i kalasë, planin e konservimit dhe listën e parcelave kadastrale, pjesë integrale e këtij ligji, shtojca 1.
2. Qendra e mbrojtur historike e Prizrenit, si pronë e trashëgimisë kulturore në mbrojtje përfshihet në listën e trashëgimisë kulturore, në mbrojtje të përhershme të Republikës së Kosovës.
3. Rivlerësimi apo rishikimi i Qendrës së mbrojtur historike të Prizrenit me të gjitha elementet e saj bëhet nga Këshilli i Kosovës për Trashëgimi Kulturor në bashkëpunim me institucionet kompetente të trashëgimisë kulturore, me kërkesën apo propozimet e parashtruara nga persona fizik dhe juridik, si ne shtojcën 2 të këtij ligji me listën e monumenteve që gjenden në këtë shtojcë.

Ky amendament duhet të rishikohet sa i përket rregullimit të tekstit përfundimtar.

Amendamenti 5 i Hydajet Hysenit duhet të shënohet që tërhiqet, por paraprkasht të vërtetohet a është përfshi vërejtja e tij sa i përket fjalës “urbane” të cilin e ka propozuar të zëvendësohet me fjalën “historike”.

Amendamenti 7

Neni 6, në paragrafin 2 fjala “karakterin” zëvendësohet me “**karakteristikat**”.

Lidhur me këtë fjalë të shikohet a duhet të zëvendësohet në tërë tekstin e projektligjit.

Amendamenti 8

Neni 7 dhe 8 bashkohen dhe riformulohen si vijon :

Neni 7

Aktivitetet e kufizuara dhe të ndaluara në Qendrën historike të Prizrenit

Për zbatimin e nenit 6 të këtij ligji, me qëllim të mbrojtjes së autencitetit dhe integritetit të Qendrës historike të Prizrenit, kufizohen dhe ndalohen aktivitetet si në vijim:

1. Aktivitetet e kufizuara :

- 1.1. bashkimi i dy apo më shumë parcelave kadastrale në një njësi të vetme, përveç kur parcela është duke u kthyer në gjendjen e saj origjinale gjatë restaurimit, rindërtimit ose revitalizimit të ndërtesave tradicionale dhe monumentit që është nën mbrojtje.
- 1.2. vendosja e kiosqeve, tezgave, tavolinave dhe elementeve tjera montazhe, parkingjeve ose të ngjajshme që do të pengonte vizurat dhe qasje të lirshme në monument si dhe vendosja e kontejnerëve dhe shportave tjera për mbeturina para dhe në afërsi të monumentit.
- 1.3. muzika me zë më të lartë se 70 db, përveç gjatë ngjarjeve/organizimeve të natyrës publike, për të cilat mirret paraprakisht leja prej Komunës.
- 1.4. vendosja e reklamave të përhershme, shenjave private, dekorimeve apo elementeve penguese me sipërfaqe më të madhe se $1m^2$ dhe pa pëlqimin e Institutit për Mbrojtjen e Monumenteve të Prizrenit.

2. Aktivitetet e ndaluara :

- 2.1. aktivitetet ndërtimore apo transformuese që rezultojnë me ngritjen e një objekti të vetëm në dy apo më shumë parcela kadastrale;
- 2.2. aktivitetet ndërtimore apo transformuese që do të rezultojnë në objekte me lartësi më të madhe se Përdhësë + 2 etazhe (P+2); apo lartësia e të cilëve, e matur prej nivelit të terrenit natyror deri në nivel të vijës së strehës, tejkalon 9.5m; apo lartësia e tërësishme e të cilëve, e matur prej nivelit të terrenit natyror duke përfshirë çatinë dhe çfarëdo vazhdim tjetër fizik në objekt, tejkalon 12.5m;
- 2.3. aktivitetet ndërtimore apo transformuese që do të rezultojnë me objekte ku sipërfaqja e përdhësës nuk do të tejkalojë $150m^2$, me përjashtim të rasteve të veçanta të rindërtimit apo rifunksionalizimit të objekteve publike, duke e respektuar karakterin e Qendrës Historike, të cilat duhet të kalojnë po të njëjtat procedura të marrjes së lejës urbanistike nga Komuna dhe pëlqimit nga Instituti për Mbrojtjen e Monumenteve të Prizrenit;
- 2.4. aktivitetet që do të rezultojnë në ndryshimin permanent të morfologjisë natyrore të terrenit;
- 2.5. pompat e reja të derivateve të naftës si dhe ndërtimet industriale, fabrikat ose zhvillimet e ngjajshme përfshirë eksploatimin e burimeve minerale dhe furrënalat;
- 2.6. aktivitetet e natyrës komerciale të cilat përfshijnë një sipërfaqe të hapësirës së brendshme më të madhe se $150m^2$ duke përfshirë depot, punëtoritë mekanike, supermarketet dhe klubet e natës;
- 2.7. funksionimi i kazinove, bastoreve dhe veprimtarive tjera të lojrave të fatit;

Amendament i komisionit i përkrahur nga Qeveria. Amendamentet 6 dhe 7 nga H. Hyseni nuk përkrahen.

Amendamenti 9

Neni 12, titulli riformulohet : “**Hulumtimet dhe gërmimet arkeologjike**” dhe në rreshtin e parë fjala “Gërmimet arkeologjike” zëvendësohet me “**Hulumtimet dhe gërmimet arkeologjike**”.

Amendamenti 10

Neni 14, në paragrafin 2 të vërtetohet për numrin 3t a duhet të mbetet ashtu apo 3.5t.

Amendamenti 11

Neni 15, në paragrafin 2, në rreshtin e 4 fjala “dispozitat relevante” zëvendësohet me “**ligjet**”.
Në vijim përkatësisht në fund fshihet “**dhe fatkeqësive tjera**”.

Mbledhja e komisionit përfundoi në orën 15,50.

Përgatitur nga:

Njësia për Mbështetjen e Komisionit

Kryetari i Komisionit,
Nait Hasani